

Universitätsbibliothek Paderborn

**Spes & Fiducia, Cvrис Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 8. A Concionatoribus misericordia[m] Dei peccatoribus impensè
inculcandam esse.

[urn:nbn:de:hbz:466:1-49823](#)

vita durat; dum gemitus, dum suspiria, dum lachrymæ sunt salutares. Sic patri huic incæstuoso, sic incæstuosæ filiæ salutares furerunt, ignemque & Inferni, & Purgatorij extinguere potuerunt. A morte pater iste transiit ad vitam; ab ipsis inferorum portis, hæc filia, ad superos, migrauit. Itaque *Non est opus, ut oretis pro ipsa; potius ipsa orabit pro vobis;* iam sancta, iamque exemplum, quæ paulò priùs fuit scandalum. Hæc, ad peccatorem, Christus de cælo clamat.

§. VIII.

*A Concionatoribus misericordiam Dei peccato-
ribus impensè inculcandam esse.*

Videtur mihi, cum ista voce, ipsa quoq; illa beata puella, & hic diuino vir amore confossus contritioneque ipsa extinctus, de cælo, clamare: *Venite, & videte opera Dei:* Ps. 65. 4. *terribilis in consilijs super filios hominum. Veni-
te, audite, & narrabo, omnes, qui timetis Deum:* quanta fecit animæ meæ. Atq; in primis, vos Concionatores, qui meritò sæpe fulminatis in peccatores, & illis iustitiam irāmq; diuinam inculcatis; illud etiam sedulò memen- tote, vt homines in spē erigatis, altissimisq; vocibus identidem clametis: *Quoniam tu,* Ps. 85. 4. *Domine, suavis & mitis: & multa misericor-
dia.*

die & omnibus innocantibus te. Multi magis se
sinunt duci spe, quam impelli timore. Res
violentia est metus, quæ non diu durat, nisi
amore fulciatur. Amorem conciliat occasio
sperandi. Sperandi maxima & occasio, &
causa est agnitus diuinæ bonitatis, ob v-
num gemitum, & vnam lachrymulam, mil-
le flagitia condonantis. Hanc vos Dei præ-
cones extollite; hanc mortalibus ob oculos
ponite: hanc omni arte, omnibus coloribus
exornate. dici nimium non potest, ubi est
infinitum. Non tot desperarent, si scirent,
Deum promptiorem esse ad dandam veniam;
quam homines ad accipendam. Verè Deum

S. Augu-
stin. serm.
4. de Na-
tivit. Dc-
min. su-
per Ps. 94.
Idem Au-
gustin. in
Psal. § 8.

nouit, qui in Deum confidit. Ille negat Deum,
qui eum peccata dimittere non credit. Item Dei
misericordia est, ut peccata nostra dimittat.
Nam si vellet pro meritis agere, non inueniret,
nisi quos damnaret. Denique Dauidem audi-
te: Deus meus, misericordia mea, inquit. Non
inuenit impletus bonis Dei, quid appellaret
Deum suum, nisi misericordia suam. O nomen,
sub quo nemini desperandum! Deus meus, in-
quit, misericordia mea. Haec beata illa mihi
videtur ad Concionatores, de cælo clamare.
Agite, concionatores, idem clamate ad pec-
catores: ut qui Dauidem secuti sunt peccan-
tem;

tem , sequantur etiam pœnitentem. Esto Bethsabæam vitiârint , esto Vriam occiderint ; & adulterium homicidio cumulârint ; possunt tamen lachrymis & illam fœditatē , & hunc sanguinē emundare , vt multos antecedant ; qui sibi de innocentia superbè ipsis applaudunt. *Muli erunt nouissimi pri-
mi. Hoc autem dicebat , ut nec illi torperent ,
tanquam redire non possent ; nec hi præsumerent ,
tanquam stent immoti. Hoc & Ioannes exclamans aiebat : Potens est Deus de lapidibus istis
fuscatare filios Abrahæ. Ne igitur confidamus
stantes , sed nobis dicamus : Qui stat , videat ,
ne cadat. Neque iacentes desperemus , sed di-
camus : Nunquid qui cadet , non adiicit . ut
resurgat? Nam & Iudas prius filius regni erat ,
& postea factus est gehennæ filius : & multi , post-
quam in ipsum ascenderunt cæli verticem , &
in desertis morati sunt , quod paulò torpuerint :
supplati sunt , & ad ipsum malitiae barathrum
deuenerunt. Alij rursum illinc ascenderunt in
cælum ; & , ex orchestra , ad Angelicam mi-
grauere conuersationem ; & tantam vir-
tutem exhibuerunt , ut expulerint
demones , & alia multa fe-
cerint signa.*

*Matt. 19.
30. S.
Chrysost.
hom. 77.
ad po-
pulum.*